



ODRED IZVIĐAČA "RAKOVICA 9" RAKOVICA

organizuje

IZVIĐAČKO TAKMIČENJE

Za mlade izviđače i planinke



Opći uslovi takmičenja

Ekipe se sastoje od 4 člana slobodnog sastava. Dozvoljeno je učešće takmičarima koji u 2024. godini pune 11, ili su već napunili 15 godina. Ako je jedan član ekipe stariji ili mlađi od starosnih granica definisanih ovim Propozicijama, ekipa ne može učestvovati na takmičenju. Starost člana ekipe se utvrđuje izviđačkom članskom knjižicom i jednom od važećih službenih ličnih isprava (lična karta, zdravstvena knjižica, đачka knjižica, indeks, vozačka dozvola i sl.). Ekipe su dužne doći do "Devete osnovne škole" u Rakovici na dan takmičenja najkasnije do 09:00 sati 11.05.2024. godine. Ekipama iz udaljenih mjesta bit će obezbjeđen smještaj dan ranije (10.05.2024).

Predzadatak

Pernica sa sadržajem za školsku upotrebu koje će biti donirane školi. Ukoliko ekipa donese korištenu pernicu, ista neće biti bodovana. Predzadatak nosi 50 bodova.

Zadaci na stazi

1. Pronalazak KT na karti i u prirodi.....
2. Prva pomoć.....
3. Streljaštvo.....
4. Minsko polje i itinerer.....
5. Čvorologija.....
6. Semafor.....
7. Testovi.....
8. Skica KT.....
9. Zadatak iznenađenja.....

Pojašnjenje zadatka

1. KONSTRUKCIJA STAZE

Ovaj zadatak se rješava i predaje kontroloru na startu. Sistem rješavanja je presjekom azimuta, azimuta i dužina, sjecištem koordinata, uz pomoć topografskih znakova, te kombinacija navedenog Tačno ucrtanom bazom smatra se baza u promjeru od 2 mm od zadate.

2. TEST

Ekipe će dobiti test koji sadrži 10 pitanja iz općeg znanja i izviđačke organizacije, koji ekipa kolektivno rješava na bazi. Vrijeme je ograničeno na 15 minuta. Pitanja su sastavljena tako da se na njih odgovara zaokruživanjem ponuđenog odgovora i/ili upisivanjem odgovora.

3. SIGNALIZACIJA (SEMAFOR)

Ekipa učestvuje sa svoja četiri člana koji su raspoređeni: dvoje na prijemnoj i dvoje na predajnoj stanici. Prijemna i predajna stanica su međusobno udaljene do 50 metara. Poruka sadrži 30 znakova-slova. Za slanje poruke semaforom koristi se međunarodna abeceda. Poruka se prenosi od trenutka davanja signala od strane kontrolora, a sa prenošenjem poruke se prestaje također na signal kontrolora, po isteku predviđenog vremena ili kada član ekipe sa prijemne stanice uruči izvršeni zadatak kontroloru. Svi znakovi se bilježe u za to predviđeni prostor na obrascu. Znakovi zabilježeni van obrasca se neće bodovati. Boduje se onaj broj znakova koji su prenijeti po datom redosljedu i u zadanom vremenu.

4. ČVOROLOGIJA

U ovoj disciplini učestvuje cijela ekipa, a zadatak joj je da svi članovi u što kraćem vremenu pravilno zavežu i razvežu po 1 čvor (za ml. izviđače, moguće vrste čvorova su: ambulanti, ribarski, mrtvi, vatrogasni, skraćivaljka i prusikov čvor) koji će se nalaziti napisani na papirima.

5. PRVA POMOĆ

Ekipe će dobiti test sa 10 pitanja iz oblasti prve pomoći, te će nakon testa izvlačiti karticu sa određenim zadatkom, kojeg će morati improvizirati na jednom od članova ekipe. Zadatak ekipe je da u zadanom vremenu praktično zbrinu zadate povrede uz upotrebu trougla marame i priručnih sredstava. Kontrolor, koji je medicinski radnik, određuje vrijeme izvršenja zadatka svakoj ekipi, ovisno od složenosti zadatka na izvučenoj kartici.

6. GAĐANJE VAZDUŠNOM PUŠKOM (STRELJAŠTVO)

Svaki član ekipe će gađati tri puta na kartonsku metu. Svi bodovi se zbrajaju.

7. KRETANJE PO ZADATIM AZIMUTIMA I DUŽINAMA I ITINERER

Ekipa prolazi kroz zamišljeni lavirint na osnovu zadanih azimuta i dužina. Cilj je pronaći izlaz, a nakon toga, ekipa će uraditi itinerer svog kretanja po zadatim azimutima i dužinama, u zadatoj razmjeri.

8. SKICA KT

Ekipa ima zadatak da na određenoj kontrolnoj tački uradi skicu kontrolne tačke u zadanoj razmjeri.

Navedeni zadaci bit će detaljno razrađeni i objašnjeni zajedno sa vođama ekipa na sastanku vođa ekipa. Također, prije proglašenja pobjednika i ukupnog zbrajanja bodova, ekipe će imati pravo na **uvid** u sve topografske radove, te priliku za eventualne primjedbe na ocjenjivanje. Ukoliko na neku KT dođe više ekipa u isto vrijeme, ekipe imaju pravo tražiti "**mrtvo vrijeme**" ukoliko čekaju na izradu zadataka više od 5 minuta, te predaju fascikle sa zadacima kontrolorima dok ne dođu na red za izradu zadatka. Ekipi nije dozvoljeno raditi zadatke u trajanju mrtvog vremena, niti se udaljavati od KT. "Mrtvo vrijeme" se oduzima od vremena predviđenog za prelazak staze. Svaki minut kašnjenja, nosi **2 negativna** boda.

Ishrana

Ekipe će na početku staze dobiti lunch pakete, a nakon završetka takmičenja za sve učesnike i pratioce ekipa biće obezbijeđen ručak.

Obavezna oprema

Lična oprema:

- Izviđačka uniforma i marama
- Izviđačka knjižica sa uredno plaćenom članarinom za tekuću godinu
- Zdravstvena knjižica (**obavezna**)
- Ispravna baterijska lampa
- Kišna jakna/kabanica
- Odgovarajuća obuća za duže pješaćenje
- Posuda za vodu zapremine najmanje pola litra

Kolektivna oprema:

- Dva para signalnih zastavica
- Šatorsko krilo
- Busola
- Dva ruksaka
- Mobilni telefon sa pristupom internetu
- Pribor za crtanje i pisanje
- Priručni materijal za prvu pomoć
- Metar/Pantljkica/Mezban
- Zastava odreda

Satnica takmičenja

Subota, 11.05.2024. godine

do 9:00 – Dolazak patrola

9:00-09:30 – Prijava patrola, pripreme za otvaranje takmičenja

09:30-10:00 – Svečano otvaranje takmičenja

10:00-16:00 – Takmičenje

17:00-18:00 Proglašenje pobjednika i zatvaranje takmičenja

Dodatne informacije

Za ekipe iz udaljenih mjesta postoji mogućnost dolaska u petak, 10.05.2024. godine, uz naglašavanje toga u prijavi.

Molimo vas da se, u izviđačkom duhu, pridržavate svih navedenih uputa propozicija takmičenja, ali i uputa kontrolora na samom takmičenju. Svako nedolično ponašanje biće kažnjeno sa oduzimanjem bodova ili eventualnom diskvalifikacijom. Organizator zadržava pravo izmjene propozicija, u slučaju nepredviđenih okolnosti.

Broj ekipa po odredbu ograničen je na 2 ekipe, uz dogovor sa domaćinom moguće je učešće i više ekipa. Organizator zadržava pravo izmjene propozicija, u slučaju nepredviđenih okolnosti.

Prijave ekipa slati putem maila: oirakovica9@hotmail.com

Prijave slati najkasnije: 04.05.2024. godine. do 20h.

Blagovremena prijava se boduje 50 Bodova.

Za sve dodatne informacije i nejasnoće možete se obratiti na:

Mail odreda – oirakovica9@hotmail.com

Edin Čebirić – načelnik odreda: +387 61 662 011